



Inatsisartunut ilaasortaq
Aleqa Hammond
Siumut

Apeqquteqaatinut akissut UPA 2010/8-mut tunngasoq

Asasara Aleqa Hammond,
Inatsisartut 2009-mut ilassutitut aningaasaliissutitut inatsisissaannut siunnersuutip siul-
lirmeerneqarnerani arlalinnik apeqquteqarninnut atatillugu neriorsorpakkit allakkatigut
akissuteqarfigissallutit, maannakkullu taamaasiorpunga:

Naalakkersuisut nunanut allanut aningaasanik atornialersaarpalunnerannut tunngasuti-
gut apeqqutigiumavarput qanoq annertutigisumik atorniartoqalersaarnersoq aammalu
atorniagassat sumorpiaq siunnerfeqartumik atorniarneqalersaarnersut ? Ilanngullugulu
paaserusupparput nunatta karsia maanna qanoq ikitsigisunik imaqalersimanersoq paa-
sissutissiissutigeqqullugu. Naggasiullugulu aamma Naalakkersuisunut apeqqutigiuma-
varput aningaasat attartorneqartussat qanoq naafferartumik akilersorneqarnissaannut
isumaqatigiissusiussamaarnersut ? Tamannalu nassuiaateqarfigeqquarput aammalu
aningaasanik attartorsimanerup nalaani taarsersuinerullu nalaani nunatsinni aningaa-
saqarniarnikkut qanoq sunniuteqassamaarneranik isumaliutersuuteqarsimanersut nas-
suaatigeqqullugu.

Akissut:

Naalakkersuisut naatsorsuutigaat piffissami 2010-2013-mi katillugit 600-800 mio. kr.-it
taarsigassarsiarineqassasut Landskarsip qaqugumulluunniit sillimmatai tigorianaanaat
minnerpaamik 600 mio. kr.-iussapata.

Taarsigassarsiarineqartussat pisariaqartitat qasserpiaaneri siumut oqaatigiuminaapput,
tassani apeqqutaammatt nunani tamani aningaasatigut ineriartorneq, Inatsisartut aala-
jangiineri, 2009-mi ukiunilu aggersuni aningaasanut inatsisit naatsorsuutillu inerner-
asiinnersut, aammattaaq apeqqutaavoq aningaasanut inatsisissatut siunnersuummi
siunnerfiusutut missingersuutitut piumasaqaatitut Sanaartornermut Iluarsaassinermullu-
Aningaasaateqarfimmit aningaasaliissutitut ukiumut 100 mio. kr.-it sippornerai ataan-
raaluunniit. Tamakku pissutaallutik taarsigassarsiarineqartussat qasserpiaaneri taa-
neqarsinnaanngillat, taamaattumik Naalakkersuisut aallaaviginiaarpaat taarsigassarsiat
imaluunniit tigusiffiqarsinnaasut 600-800 mio kr.-nik amerlassuseqarnissaat. Taa-
maattorli 600 mio. kr.-init ikinnerusinnaapput, Inatsisartulli aningaasatigut sukanner-
nerusumik politikkeqassappata imaluunniit nunani tamani aningaasarsiorneq ajorserias-
sappat 800 mio. kr.-it sippornissaannut navianaateqarpoq.

Ullumikkut taarsigassarsiniarnermut atugassarititaasut assut nalornissutigineqarput. Nu-
nani tamani aningaasarliornerup nassatarisimavaa erniatigut piumasaqaatit sakkortusi-
neri, tassa imaappoq aningaaserivinni uninngasuutit aamma taarsigassarsinermi erniari-
tineqartartut assigiinngissutaat. Danskit suliffeqarfiutaasa nunanut allanut niuertartut

27. april 2010
Sagsnr2010-30419
Dok. Nr. 365307

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

aningaasatigut patajaatsumik ingerlasut ilanngullutik ukiup siuliani misigisimavaat taarsigassarsiniartarneq ajornarnerulersoq taarsigassarsigaannilu erniat procentpointinik arlallinnik qaffannerat. Taarsigassarsiniartarfinni pissutsit suli nalorninarput, taamaattumik Namminersorlutik Oqartussat piffissami nalorninartumi taarsigassarsiniartussaapput, atugassarititaasullu siumut oqaatigiuminaallutik.

Nalorninartorsiomerutaaq nassataraa taarsigassarsiat qanoq sivilutigisumik taarsersorneqarnissaat oqaatigissallugu, taarsigassarsiniartarfinnilu amerlanerni ukiut 8-10 sinnelugit taarsersugassanik taarsersugassarsisoqarsinnaanngilaq. Taakku saniatigut nalinginnaavoq taarsersuinerit sivitsoriartortillugit naatsorsuutigisariaqarmat erniat qaffakkiartornissaat. Taamaattumik ilaatigut pitsaaqutaasarpog ukiut killilerlugit taarsersugassarsiniarneq, assersuutigalugu ukiut tallimat imaluunniit arfineq-pingasut, tamatumalu kingorna aningaasaleeqqitoqaqqilluni.

Naalackersuisut ilaatigut 1990-imi Utoqqarmiut Kangerluarsunnguani erngup nukinga atorlugu nukissiorfiliornermi taarsigassarsiffiusimasog Den Nordiske Investeringsbank saaffiginarlugu, taanna amerlanertigut attaveqaatinut avatangiisinullu tunnganerusunut suliassanut taarsigassarsinerusarpog. Naluneqanngitsut Landskarsi taarsigassarsiniarniarpoq erngup nukingi atorlugit nukissiorfiliornissat aamma Nukissiorfinni allat suliasat aningaasaliiffiginarlugit, taamaattumik Naalackersuisut investeringsbankimi taarsigassarsiniarnissamut periarfissat tigussaasumik misissortariaqarpaat. NIB nunat avannarliit naalackersuisuinit pigineqarpog creditratingialu pitsaasuulluni, tamatumalu nassataraa NIB-imi uninngassuuteqarnissap ajornaatsuunera.

Ingammik Nukissiorfinnut sanaartugassanut aningaasaliisimanerup kingunerisaanik nunanit allanit aningaasanik taarsigassarsiniarnissaq pisariaqarpog. Taassuma saniatigut 2009-mi katillugit 303 mio. kr.-it Royal Greenlandimut Qaasuitsup Kommunanullu taarsigassarsiaritinneqarsimapput. Ukiuni aggersuni taarsigassarsiarititat taakkua naafferarlugit Landskarsimut akilersorneqassapput. Naalackersuisut siunertaraat aningaasat naafferarlugit taarsersuutit nunanit allanit taarsigassarsiarisimasanut naafferarlugit taarsersuineri atorneqarnissaat.

2010-mi martsip qaammataata naanerani Landskarsip aningaaserivimmiittuutai pappilisaniillu aningaasanik nalilinnik aningaasaatai 1.117 mio. kr.-iupput.

Inussiarnersumik inuulluaqqusilluta

Palle Christiansen
Aningaasaqarnermut Naalackersuisog